



# 反對派邊個最「賣民」 偷懶吞泡有表睇

網議政事 反對派 議員成日

唔開會、唔投票，俾人鬧咗好多次依然闊佬懶理。有網民近日就列表製圖，更新反對派議員出賣市民嘅統計表，再根據佢哋嘅投票情況去計「港奸指數」。結果，「專業議政」個梁繼昌就因為10次出賣反對派支持者而擲到最高分，被封為「最壞港奸」，同屬「專業議政」嘅葉建源同李國麟就排係第二。早前先因為呢樣嘢同反對派議員區諾軒開火嘅facebook專頁「無神論者」的巴別塔，勸大家唔好再含淚投票，再補刀話：「最悲哀嘅係，直到呢一刻為止，『飯民』所有議員都完全無就呢啲指控作出任何回應反省，會就繼續唔開，有人質疑就掉番(返)轉頭恐嚇市民。」

■香港文匯報記者 甘瑜



▲有網民根據反對派議員嘅投票情況，依個人得分及政黨得分，製作「港奸指數」。

反對派議員個個月袋九萬幾人工都可以唔開會咁荒謬，「巴別塔」都將佢哋嘅開會情況當笑話咁話「最Update 飯民港奸指數上線啦！」引用網民「Stephen Wong」特登整理嘅「飯民出賣市民統計表」，去檢視班人嘅咁咁重要議案缺席投票、棄權，甚至幫政府。

### 14重要議案 8次缺席鬆章

結果顯示，14個重要議案入面，有8次就因為反對派班人缺席而令議案通過，包括財政預算案、沙中線追加撥款、加入亞投行等等。

### 梁繼昌李國麟葉建源放頭

講完集體責任，都要講吓個人表現。「Stephen Wong」計埋每個人因為投票(1分)、棄權(1分)、幫政府(2分)而擲到咩分數，再整理棒型圖，等大家一目了然。

結果顯示，成日俾人認為係「疑似建

制」嘅醫學界議員陳沛然擲11分，但自稱為「非建制派」嘅議員，包括梁繼昌就有13分，李國麟同葉建源都係11分，一堆民主黨、公民黨議員更緊隨其後，質疑佢哋根本就唔應該話自己係「非建制派」。

「巴別塔」仲寸之前強搶保安局女EO(行政主任)手機嘅民主黨許智峯話：「點解許智峯咁緊張自己『議會私隱』比(俾)政府收集，甚至不惜以身試法搶人手機？睇完呢個表你會自然明白。」有嘅，都係重要議案4次缺席，前後7次「出賣支持者」啫。

### 范國威區諾軒埋牙已開齋

有啲人好低分啲，好似「新民主同盟」嘅咖啡(范國威)同無黨派區諾軒，仲有曾經坐過嘢議會嘅社民連長毛(梁國雄)同「自決派」蟲(姚松炎)，但「巴別塔」就溫提大家，咖啡同區諾軒當選數月，「竟然已開齋

分，更係令人齒冷」，而長毛同蟲就一俾人DQ咗，可謂係「非不為也，實不能也」啊。

唔開會唔投票甚至對反對派陣營倒戈相向都唔係最惡，最惡係俾人批評時仲返人轉頭，講緊嘅咪就係之前恐嚇「巴別塔」嘅區諾軒囉。「巴別塔」明顯依然耿耿於懷：「最悲哀嘅係，直到呢一刻為止，『飯民』所有議員都完全無就呢啲指控作出任何回應反省，會就繼續唔開，有人質疑就掉番(返)轉頭恐嚇市民。」

「巴別塔」仲歡迎大家自由轉載呢啲資料，「撕破『飯民』口講『守護香港』，實際偷懶賣港嘅虛假面具！」

「Man Yu Hang」揶揄呢班「飯民」：「關鍵一席，關心搵食。」「Sum Cheng」就轉載話：「(時評人)劉細良教落，政治人物最重要唔係睇他講咩野(嘢)，是睇他做咩野(嘢)。」

# 捧助理剝同路人 楊雪盈被鬧爆

今日之星

所謂政治，都不過係利益嘅計算。灣仔大坑選區區議員，「傘兵」楊雪盈，近日想力捧其助理、曾參與「佔領」浸會大學更不斷以偏頗資料唱衰學校的陳樂行上位，亦因為民主黨議員尹兆堅會上引用咗佢嘅調查結果而興奮非常，出帖話「好好醜醜都叫贏咗」，但又同時貼張自己曾經界吐1萬個反對噴泉簽名界當年係民主黨主席嘅劉慧卿嘅相，話「張相係一世做得最錯嘅事」，乘機踩返民主黨一腳。結果，有民主黨議員挑戰問咗簽名去邊，宅滔就反擊，話係民主黨唔見咗佢嘅簽名，應該係民主黨交代返件事。

睇嘅，區議會真正稱得上嘅「自己人」得自己一個，點都要仰人鼻息，想搶多個位都係人之常情，而係人都知每

逢選舉，可以搶嘅都係立場相近者嘅票，難怪楊雪盈要捧陳樂行，都揀啲隔籬兼已經有其他反對派中人做緊嘢嘅維園選區。不過，一早「報咗名」嘅社民連當然唔妥，而同楊雪盈同樣係「傘兵」、話自己係區內已經經營咗一段時間嘅李永財就更加唔妥。

「東區本土關注組」就發帖，話每日出入維園區，「除咗見到維多利亞社區協會李永財有做過幾次地區工作外，港語學陳樂行就真係無乜點見過。不過如果呢件事(陳樂行選維園區)係真，空降落區而又搶人成果去參選，呢招的確係好卑鄙行為！」

### 「神駒」爆陳樂行有插旗無落區

「無敵神駒」仇思達前兩晚亦係網台踢爆陳樂行去維園插旗但無落過區，「第二日楊雪盈即刻搵啲爛頭卒去維園

派糞(糞)，可惜依然唔見陳樂行蹤影。」

曾代表「東九龍關注組」參加2015年區選嘅鄭國俊亦發帖爆陳樂行：「偽『本土』陳樂行係一個為咗上位不擇手段嘅政棍，……但咗(『維多利亞社區協會』)嘅社區主任大半年前已經係維園舉辦活動，之後keep住有維園選區搞活動擺街站，連個人宣傳品都出埋。你老×陳樂行竟然插隻腳落去想割人地嘅工作成果，大佬你唔好咁×賤啦。……呢啲咁自私咁老『飯民』心態×街如果上咗位做到議員，真係會同你爭取民主爭取公義咩？慳啲囉。」

佢仲質問楊雪盈：「你都做過『傘兵』體驗過無議員資源下做區嘅辛酸，唔該你唔好上咗位就恰×啲細地區組織啦，咁多區唔係係要搞人個個區。」

區。」

「Ivan Mak」也道：「楊雪盈地區工作，雖然比其他『泛民』中人出色，在未了解該選區有沒有社區工作主任進行地區工作的情况之下，找助理進行地區工作，就算『維多利亞社區協會』成員或李永財社區主任未必與楊雪盈議員相熟，在未經同意之下都不應該進行地區工作！」

### 網民踢爆「愈鬧愈開心」

不過，沙田社區網絡主任黃浩鋒就好「豁達」：「界嘅自信嘛，做區邊駛(使)理呢啲網上嘢呀~」

「Lee Yik Kiu」就踢爆：「聽講楊(雪盈)辦有共識，『有網民』愈鬧，陳樂行愈開心，鬧得佢嘅就唔得鬧搞第二個，所以換個account都嘅返。」

■香港文匯報記者 陳川

# 鴿黨議助自揭家醜為借刀？

有人就會有政治，有政治自然就梗係有爭拗嘅。近日，立法會工務小組委員會否決觀塘噴泉撥款項目，一直反噴泉嘅「東九龍社區關注組」發言人宅滔(陳澤滔)，亦因為民主黨議員尹兆堅會上引用咗佢嘅調查結果而興奮非常，出帖話「好好醜醜都叫贏咗」，但又同時貼張自己曾經界吐1萬個反對噴泉簽名界當年係民主黨主席嘅劉慧卿嘅相，話「張相係一世做得最錯嘅事」，乘機踩返民主黨一腳。結果，有民主黨議員挑戰問咗簽名去邊，宅滔就反擊，話係民主黨唔見咗佢嘅簽名，應該係民主黨交代返件事。

觀塘噴泉撥款項目，其實上屆立會已經上過工務小組，而當時因多名反對派議員缺席而通過，「東九龍」就發帖狠批缺席者。不過，有關項目嘅反對派委會拉布下間接拉死埋，結果重頭再來，今屆會期再上工務小組，結果被反對派否決。

### 宅滔送簽名 卿姐無回頭

宅滔興奮之餘，多謝呢個多謝嗰個，但就出咗卿姐佢反噴泉簽名張相，話「張相係一世做得最錯嘅事」，「要警



■「東九龍社區關注組」當年製圖鬧爆反對派出賣觀塘居民。

惕自己」，又戴埋頭盔話：「唔係贏咗都唔會放出嚟。」不過，有民主黨議員睇完後，唔知點解叫佢解釋將啲簽名界吐劉慧卿後，件事「無疾而終」，點解佢哋會唔追問對方囉？

宅滔就發帖回應，話應該係民主黨交代佢畀咗劉慧卿1萬個簽名去邊，「卿姐當日係話幫我交上panel，我呢啲小組組織唔知程序係點，但到呢刻都無見過，希望民主黨都可以解釋返。我哋

其實都問過卿姐議辦一次，佢話唔見咗，我諗民主黨議員朋友唔係好接受到呢個答案，所以都想民主黨交代返。」

### 唔見人哋嘢 仲問返轉頭

唔少宅滔老友就寸爆民主黨。「Sanho Chung」話：「點解係人地(她)做漏嘢然後人地(她)會問返你轉頭問嘢去邊咁好笑，明明唔理其實就皆大歡喜，點解係都要拎出嚟×……」



■宅滔話當日交簽名畀劉慧卿「係一世做得最錯嘅事」。

「Rachel Au」也恥笑：「係咪白痴，嫌自己個笨未夠臭呀，嗰啲時候仲大人唔敢揭自己啲屎出嚟！」

有人就「懷疑」該民主黨議員「另有所圖」。「Anthony Yan Ting Cheong」揶揄：「民主黨議員搵東九質疑白鴿黨內部處理方法。即係點？內銷變外銷再變內銷？」「Jay Chim」也道：「內鬥變外鬥囉，借刀囉！」

■香港文匯報記者 陳川



■馮檢基昨於劉慧卿的節目上批評劉小麗。香港文匯報實習記者胡俊斯攝

# 阿基斥小麗不民主 反對翻炒「周庭模式」

香港文匯報訊(記者 鄭治祖)九龍西補選仍未公佈日期，但有關補選人選的話題卻引來滿城風雨。曾於上次九西補選參與反對派「初選」的民協馮檢基，昨日點名批評「演習四丑」的劉小麗以非民主的手段「欽點」工黨李卓人為「Plan B」，並形容這是反對派中的「大佬文化」。就劉小麗形容自己只是用「周庭模式」，馮檢基反駁指，目前距離補選仍有長達約半年，有足夠時間進行「初選」，並無迫切性去搞「欽點」。

### 批「欽點」阿人毀「初選」

馮檢基昨日接受民主黨前主席劉慧卿訪問，狠批劉小麗「欽點」李卓人是推翻「初選」機制及威權主義，並形容此舉為「大佬文化」，「啱家係劉小麗話事。」

劉小麗兩周前曾游說民協接受安排，理由為「周庭模式可以照用」，但馮檢基認為現在和周庭的情況不同，因為當時欲參加港島補選的周庭，被裁定提名資格無效時只剩下一日時間，但現時距離補選仍有長達5個月至半年，絕對有足夠時間進行「初選」。

就早前有報道指出，若然「Plan B」勝出，就要聘請劉小麗或有關成員出任議員助理，馮檢基對於方案感到不滿，批評這是「政治交換」，「Plan B就Plan B，唔可以拉埋其他嘢落水。」

就劉小麗日前稱「初選」是「退而求其次」，馮檢基直言，在劉小麗心中，直接「欽點」李卓人是「首要」，「初選」只是次要。他呼籲反對派成員要尊重實踐民主精神，同時暗指劉小麗「欽點」的言行違反民主，使民主精神的「生命力」消亡。

### 籲反對派尊重民主

馮檢基稱，民協堅持「Plan B」要有「初選」，甚至連民協代表也是經「初選」制度而產生。他又說，自己昔日「面對不民主的事情」，因自身身份與背景而選擇沉默，但現時不民主的情況「已迫到自己不能不出聲」，無奈慨嘆：「『民主派』發生咩事？」

近日有關馮檢基的傳聞一單接一單，包括退出民協、甚至說他轉投經民聯議員梁美芬陣營等，他多次強調對於傳聞一概不作任何回應，並指自己「今日仍是民協中常委」。被問到會否參加九西補選，他不作正面回應，只說「啱家唔得閒諗」。

# 廖書蘭新書促重視原居民



■廖書蘭出新書講新界歷史，林偉強話要送畀特首同主要官員睇吓。

特稿

本身係作家嘅新界鄉議局議員廖書蘭，同傳媒茶敘，介紹佢籌備咗十年、趕及今年書展前出版

嘅著作《被忽略的主角——新界鄉議局發展及其中華民族文化承傳》。顧名思義，廖書蘭覺得新界原居民應該要更受尊重重視，仲引經據典提醒特區政府，話如果要將香港管治好，要先讀懂新界呢本書：「一室之不治，何以天下國家為？」

廖書蘭話，其實大部分新界原居民安分守己，好似當時港英政府要收地起萬宜水庫，受影響村民其實都好配合，但係問到交通問題時候，就換嚟港英官員咁樣回應：「係咁啲，唔啱就抽水出西貢囉。」睇嚟政府收地如果處理得好唔好，村民真係會一直記住嘞。

陪廖書蘭見傳媒鄉議局副主席林偉強就話，本新作應該要送畀特首同主要官員睇吓，令佢哋解決新界問題時有更多相關知識。

### 明年底出發叔傳講趣事

佢仲預告出年年底會出一本有關鄉議局前主席劉發嘅書，暫時叫做《發叔的故事》，而佢呢十年嚟訪問咗好多發叔嘅身邊人，包括發叔嘅親人、同村兄弟，同埋幫發叔揸咗四十年車嘅司機。

佢更加劇透咗唔少發叔生前嘅趣事，好似發叔嘅媽媽就話，發叔細個曾經養過一隻隻哥，每當發叔返屋企時候，隻隻哥自然會叫「發哥返嚟」，原來係發叔自己教佢講嘍！

另外，原來發叔自小就好樂天，廖書蘭引述「發媽」話，發叔細個會帶飯盒去耕田，點知有次落大雨，雨水沿住佢嘅邊流到落佢飯盒度，不過佢無有怕，話當泡飯食算數。

■香港文匯報記者 朱朗文